



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

09.04.2024

230-tm-son

### **Talabaga hayfsan e'lon qilish to'g'risida**

Bugungi kunda universitetda zamonaviy talablar, ilg'or xalqaro yuridik tajriba va mehnat bozori ehtiyojlari asosida yuqori malakali, ijodiy fikrlaydigan, halol kadrlar tayyorlashni ta'minlash va klinik yuridik ta'limni rivojlantirish yo'li bilan o'quv jarayoni va huquqni qo'llash amaliyoti o'rtasida uzviy aloqani ta'minlash maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet rektori buyruqlari, Odob-axloq kodeksi hamda boshqa hujjatlarni buzish holatlari kuzatilmoqda.

Jumladan, Universitet rektorining 2024-yil 26-yanvardagi "Toshkent davlat yuridik universitetining bakalavriat bosqichi kunduzgi ta'lim shakli 4-bosqich talabalarining 2023/2024-o'quv yili bahorgi semestri davomida bitiruv malakaviy amaliyotini tashkil etish to'g'risida"gi 45-tm-son buyrug'iga muvofiq Xalqaro huquq va qiyosiy huquqshunoslik fakulteti 4-kurs talabalari 2024-yil 5-fevraldan 12-aprelgacha bitiruv malakaviy amaliyotini tegishli tashkilotlarda o'tashi belgilangan.

Universitet rektorining mazkur buyrug'iga muvofiq bitiruv malakaviy amaliyot rahbarlari talabalarning amaliyot o'tashlarini, ularning amaliyot hisobotlarini o'rnatilgan tartibda rasmiylashtirilishini nazorat qilib, amalga oshirilgan ishlar yuzasidan 15 kunlik ma'lumotlarni O'quv-uslubiy boshqarma Bandlik bo'limiga taqdim etib borishi belgilangan.

Bundan tashqari, "Yuridik ta'lim muassasalari (harbiy, maxsus oliy ta'lim muassasalaridan tashqari) talabalari tomonidan tanishtiruv va bitiruv malakaviy amaliyotni, shuningdek stajirovkani o'tash tartibi to'g'risida"gi nizomning (ro'yxat raqami 2548) 16-4-bandiga muvofiq talaba bitiruv malakaviy amaliyotni o'tashda bitiruv malakaviy amaliyotni o'tash dasturida nazarda tutilgan barcha topshiriqlarni belgilangan muddatlarda, to'liq hajmda va sifatli bajarishi hamda OTMdan biriktirilgan bitiruv malakaviy amaliyot rahbarining talabi bilan ko'rib chiqish uchun bitiruv malakaviy amaliyotni o'tash to'g'risidagi hisobotini taqdim qilishi shartligi belgilangan.

Ammo, 2024-yil 22-fevraldagi 3-03-17-111-son O'quv-uslubiy boshqarma

Bandlik (karyera) bo'limi boshlig'i J.Axmedovning bildirgisi bo'yicha Qo'ziyeva Mavluda Jasurbek qizi joriy yil 5-fevraldan 18-fevralga qadar bo'lgan 15 kunlik amaliyot hisobotini topshirmaganligi qayd etilgan.

Mazkur holat yuzasidan talabaga nisbatan 2024-yil 20-martda 21-16-65-sonli Xalqaro huquq va qiyosiy huquqshunoslik fakulteti dekani ogohlantirishi chiqarilgan.

Shuningdek, 2024-yil 13-martdagi 1-8/2-8/103-son Toshkent shahar Adliya boshqarmasi boshlig'i birinchi o'rinbosari A.Saydaxmedovning xatiga muvofiq Qo'ziyeva Mavluda Jasurbek qizining bitiruv malakaviy amaliyotiga yetib bormaganligi ma'lum qilingan. Mazkur holat bo'yicha talabaga nisbatan 2024-yil 20-martda 21-16-67-sonli Xalqaro huquq va qiyosiy huquqshunoslik fakulteti dekani ogohlantirishi chiqarilgan.

Bundan tashqari, TDYU O'quv-uslubiy boshqarma Bandlik (karyera) bo'limining 2024-yil 20-martdagi 3-03-17-117-sonli bildirgisiga muvofiq Qo'ziyeva Mavluda Jasurbek qizi belgilangan tartibda bitiruv malakaviy amaliyot hisobotlarini o'z vaqtida taqdim qilmaganligi qayd etilgan.

Talaba yuqoridagi tegishli hujjatlar bilan tanishtirish uchun dekanatga chaqirtirilishiga qaramasdan kelmagan. Shu sababli, talabaning doimiy va vaqtincha yashash manzillariga ogohlantirish xati yuborilgan.

Xalqaro huquq va qiyosiy huquqshunoslik fakultetining 4-kurs talabasi Qo'ziyeva Mavluda Jasurbek qizi mazkur harakatlari bilan Universitet rektorining 2024-yil 26-yanvardagi "Toshkent davlat yuridik universitetining bakalavriat bosqichi kunduzgi ta'lim shakli 4-bosqich talabalarining 2023/2024-o'quv yili bahorgi semestri davomida bitiruv malakaviy amaliyotini tashkil etish to'g'risida"gi 45-tm-son buyrug'i, "Yuridik ta'lim muassasalari (harbiy, maxsus oliy ta'lim muassasalaridan tashqari) talabalari tomonidan tanishtiruv va bitiruv malakaviy amaliyotni, shuningdek stajirovkani o'tash tartibi to'g'risida"gi nizomning (ro'yxat raqami 2548) 16-4-bandiga muvofiq bitiruv malakaviy amaliyotni o'tash dasturida nazarda tutilgan barcha topshiriqlarni belgilangan muddatlarda, to'liq hajmda va sifatli bajarishi, universitetdan biriktirilgan bitiruv malakaviy amaliyot rahbarining talabi bilan ko'rib chiqish uchun bitiruv malakaviy amaliyotni o'tash to'g'risidagi hisobotini taqdim qilishi hamda ta'limga oid boshqa me'yoriy hujjatlarga muvofiq bajarishiga oid talablarini buzgan.

Yuqoridagilarni inobatga olgan holda Universitet rektorining 2024-yil 26-yanvardagi 45-tm-son buyrug'i, "Yuridik ta'lim muassasalari (harbiy, maxsus oliy ta'lim muassasalaridan tashqari) talabalari tomonidan tanishtiruv va bitiruv malakaviy amaliyotni, shuningdek stajirovkani o'tash tartibi to'g'risida"gi nizomning (ro'yxat raqami 2548) 16-4-bandiga asosan

**BUYURAMAN:**

1.Universitet rektorining 2024-yil 26-yanvardagi 45-tm-son buyrug‘i, “Yuridik ta’lim muassasalari (harbiy, maxsus oliy ta’lim muassasalaridan tashqari) talabalari tomonidan tanishtiruv va bitiruv malakaviy amaliyotni, shuningdek stajirovkani o‘tash tartibi to‘g‘risida”gi nizamning (ro‘yxat raqami 2548) 16-4-bandi talablarini buzganligi uchun Xalqaro huquq va qiyosiy huquqshunoslik fakultetining 4-kurs talabasi Qo‘ziyeva Mavluda Jasurbek qiziga hayfsan e‘lon qilinsin.

2.Fakultet dekani (D.Umarxanova) mazkur buyruq mazmun-mohiyatini talaba e‘tiboriga yetkazilishi va keng muhokama qilinishini ta‘minlasin.

3.Xalqaro huquq va qiyosiy huquqshunoslik fakulteti dekani (D.Umarxanova):

mazkur talabaning shaxsiy hujjatlar yig‘majildiga buyruq nusxasi tikilishini ta‘minlasin;

mazkur holat takror sodir etilsa, talabani talabalar safidan chetlashtirish mumkinligi to‘g‘risida ogohlantirsin.

4.Mazkur buyruq bajarilishini nazorat qilishni o‘z zimmamda qoldiraman.

**Rektor v.v.b.**



**I.RUSTAMBEKOV**

Toshkent shahar

## **Kiritildi:**

Dekan o‘rinbosari

B.NORMATOV



## **Kelishildi:**

Boshqarma boshlig‘i

S.BOZAROV



Bo‘lim boshlig‘i

J.AXMEDOV



Katta yuriskonsult

A.TURSUNOV

